

延長縣志

知邑事王崇禮纂

生計

葬祭

宴會

風俗志第五

歲節
祈禳

男女
習俗

秦風十篇變不失正周初此為白狄地或疑輜採未至也
然界近西河均隸雍境葭蒼露白薰染浸蒸俗尚豈遠相
越耶竊以謂風化開自上為分所屬風俗成於下為習所
沿如男女飲食歲時慶弔神祇禋祀交接過從諸節若者
淳若者澆因革調劑力資巨靈韓子云風化與世移易吾
又焉知今之不如古也志風俗

延長縣志

卷之五

通志云人勤稼穡俗尚鬼神不習侈靡頗習法程國風秦俗尚武有車騎駟鐵小戎無衣諸章舊志云尚氣概先勇力固經以夏月遊賞為重又云修習戰備高尚氣力以射獵為先名将多出隋書人性躁勁風習果決尚淳質好儉約喪祭婚姻率近於禮先名公論延民有四美一結婚不攀勢利固爭聘禮一交友多重義武人行陣不避生死文士隔境聯社後先相接引一思先時晝夜每過佳節門前焚楮繼之以哭一好善勤施捨即貧乏者聞修廟設醮亦必喜捨有一病曰隋流水可以灌田

延長縣志

卷之五

歲節

二

惰於疏濬閒地可以樹木而惰於栽培女惰織男惰經營而常憂衣食之艱 以上俱抄府志

歲節 塾課附

立春時擊鼓於爆名曰迎春署中鞭春畢爭搶春牛得撮土即調水泥竈或剝得牛身席片用紙糊為器盛糧謂歲收必豐年運必達元旦食餛飩不候曉即拜年親屬往來如常日擇自迦喜神定方位官紳俱集行禮擺酒餚初五日平明做紙人備餅餌香土送之名曰送窮初六日夜多聽靜以下終年吉凶上元節

家家燈火門外焚炭富豪家間放花爆十六登高眺
遠名曰遊百病二十三日門外築爐焚柴用水鎮宅
剪紙人戴孝掛門名曰為老君送殯二月二日黎明
以灰灑宮室牆道義取辟蛇蝎是日不推碾磨不釀
食小米云下谷種食硬飯占歲豐常飽三日士民作
文昌會寒食蒸餅宰牲祀祖忌稀飯清明家家香楮
祭墳婦女戲鞦韆三月三日男女登翠翠山上香如
雲有古修楔意二十八日獻東嶽廟神作會是日群
赴娘娘廟上香四月八日男女爭謁祖師廟間作佛

延長縣志 卷之五

三

會五月五日用蒲艾紙貼門窗鎮病男女折艾挿頭
老幼飲雄黃酒又用彩線繩繫小兒手足為辟邪六
月六日家家晒衣又用酒漿奠墳名曰解渴消暑七
夕不乞巧中元祭八蜡逐蝗中秋購月餅釀黍酒摘
西瓜梨棗間聚眾鼓吹賞節九月九日有登高者十
月初一以紙裝棉上先熒焚之名曰送寒衣冬至節
紳士家祀祖相走賀庶民不為禮臘八日喫粥富者
間蒸糕庵廟建醮誦經為佛會二十三四日家家香
楮雞餅祭灶以黃米磨麵作黃尖食之至除夕夜多

聽靜卜來年吉凶家塾無多每借寺廟或民間空房
為館舍春初起館肄業者率就簷外空明架石版為
書案冬苦寒耐坐不能過臘每人修脯止兩計故訓
課為難然村民猶畏奢費少就蒙養緣地瘠財窘人
樂苟安膏火無資書聲遂多斷續矣惟望歲屢豐登
戶皆殷富羣為賢父兄以育才子弟也

男女婚姻附

邑分十里戶止數千人不為滿而風習已定遂若自成
機杼凡男業耕牛具外以馬驢駕犁馱溷穢肩不輕

廷長縣志 卷之五 男女

四

挑手不重提頭不芻蒲身不撥襖逢集驅驢馱糧上
市易錢亦不提絜貧者逢歉年輒逃荒鬻妻子不出
涕間傭工名為受苦歲稍豐即不傭矣傭則工價較
歉年幾倍予所以謂延民力貴而身賤也士為業農
業入橫經出負來拋黃卷理青疇者比比皆是倡隨
有古思媚依士之風噴餽外無他營反目者不多有
婦女少蠶織即紡績亦歲無多日針指難趁錢故刺
繡罕習且俗不重園蔬所議酒食惟碾磨烹飪或醃
貯而已性膽不退怯有古小戎之風較夫男能言視

官署巍如也往來戚里率騎驢逢節或呼群遊謁寺廟毋亦石山戴土產毓固如此歟議婚最早除童養者不論外大都年十五六輒嫁娶初下聘時紳士富家備品物餘議財禮以豐歲凶判輕重不等請期後男家先旬日脩飾服兼餽牲物為過禮女脩粧奩多飾衣箱及木櫃或製新即衣服冠履伴嫁如期除在城俱不親迎以媒妁導鼓樂去新婦著姆家服飾于歸城中用轎鄉率騎驢父母不送或兄弟外姻送之入門合巹次早更翁家新服飾及謁堂即古謁廟禮

越三日或十日姆迎女歸寧婿同往名曰對日回門以婦至夫家之日為婿至翁家準也滿日歸女父母送至翁家留款亦三日過此則往來任便婿以妻呼岳父為爹爹岳母為媽媽呼妻伯叔及姑亦如之妻兄為哥妻弟依行為弟對人稱為小舅妻姊妹依行呼姐聯襟為姐夫對人稱挑為挑担婦呼翁依夫為爹爹姑為媽媽夫之伯叔姊妹如之夫兄為哥夫弟以行為弟對人稱為小叔子姊妹亦呼姐夫夫姊妹之夫為姑爺餘稱呼夫婦俱無異產育多食齋半月後始

肉食女或生男彌月姆家以銀製響鈴或項圈鎖送之生女銀作耳環或手鐲送之若子女產多即不脩大都於六禮諸儀多從其殺以圖簡便易行然猶不戾於正也

生計

農業為生計根本而工商次之邑山地頗饒民皆耕種無外慕俗可稱淳然土性瘠薄非加糞深耕不沃也茲用耕具名為鏵入土不滿三寸且地以四畝為一垆或稱一畝為一堆下種時驅驢馱溷穢無負擔者

延長縣志

卷之五 生計

六

計一垆不能受一畝之糞故苗淺獲薄垆止石許而隋農自安群不為怪旱惟盼雨即近水可澆灌不事事歲或收戶盡餘糧若無售處緣山徑仄險舟車均阻故雖飽於腹而溢於囊城鎮有貿易盡晉省及韓城人為之邑人入夥開張者十不過一又客民肩貨至鄉易糧春放秋收子或敵母村民甘與之母吝色悔語多畜猪羊間有販牽赴鬻晉省者若牛驢馬騾不多育尤懶習技藝毋論細巧秀韻事不能為即粗噐鹵物斧斤爐錘等工俱盼外省匠作倍趁伊錢不

金 利

惜也甚至產物不能成貨甘為賤鬻如有絲 有
棉無布有皮絨無裘罽有麻子無青油之類又地盡
童山宜種樹非嚴諭督不一栽植即栽植亦不照管
成株者少似謂奉官為之於己無與也統計邑中累
千戶產者不逾十戶餘家可百金亦名富漢叮可憫
也夫賈生云地有遺力民有餘力與家富子壯家貧
子壯諸語俱屬秦地舊俗以今觀之信然身教言教
究難移易未嘗不效長太息也願與邑紳士民人遯
傳共勉倘能破懶為勤化迷成悟力圖生理廣作經

延長縣志 卷之五 生計

七

營庶幾日庶日富愈雅愈淳矣予日望之

葬祭

戴記於葬祭二禮篇次最詳謂慎終追遠闡民德也茲
就延邑所聞見直細叙之為採風者備焉凡有尊行
及成丁之喪初屬纊必號哭材以栢板為上楊板次
之殮殯不為禮隨况陰陽擇日相地入墓逢七或延
僧誦經就寺拜懺三七五七亦如之紳士家間做家
禮將卜葬定期訃告開吊親朋以錢等差代牲酒麵
菓為祭或獨獻或三五戚屬連名備之祭帳不多有

出殯隨時早宴親友少執紼孝家以白布裹頭纏腰
着鞋不用麻即斬哀多不備堂東設靈座中書死
者姓名年月朝夕進香獻飯百日不卒哭雖數月經
年婦女猶號慟卜地開葬壙深丈餘頭穿窰孔或砌
磚石如住窰或土磗如陶穴下埽後迎棺入葬貧者
抽蓋及左右材板他用以石板為門閉之始築外壙
為塚地若吉即預籌父母同穴後為附凡屍稱靈墓
稱陵名雖美而實偕母亦雍久帝都陵寢在有故沿
稱而不悉歟宗祠除一二紳士家外餘皆無有冬至

延長縣志

卷之五

葬祭

八

立春不行祭惟清明掛掃男女備酒饋至墓所奠哭
若新葬尤盡哀中元燒紙錢十月初一日以紙包棉
焚之為祖先送寒衣也凡父母生忌家龕拜冥壽備
酒饌祭之至忌辰或憶哭不為意邑有僧無道故止
作佛事無道場自薦七至脹滿或二三次或多次無
定局紳士便尿於喪畢日詣父母墳前祭奠題主易
靈更服亦有以週年題主者非謂形歸窰窰即神返
室堂也閒時祭神奉香後用黃疏紙焚之惟佛事則
用錯穿眼如錢樣繫帙燒包謂為冥司使費仗佛力

超度此蓋就成喪成祭者言之若子女夭傷不家哭
母疼念赴山原號叫然率外擲不為瘞謂死即孽種
不拋殘之恐再來也噫嘻胎息自天壽夭惟數若因
殄殤之故而委棄狐狸蠅蚋其於息勒憫鬻之謂何
矣所望一鄉善士力為導諭挽茲殘忍頽風以助宰
今之不逮耳

宴會 慶誕附

宴享之大者多見於詩篇類皆歡而有制美不忘規若
民間固知監史沉湎成風似不足記也顧合歡慶會

延長縣志

卷之五 宴會

九

聖王不禁以故各成風俗惟當就其已然而導之延
長種黍釀酒顧無秫意古馨未香之味即此城中因向
有酒泉市爭釀飲者易醉前令禁之然禁行不禁釀
即汲河流他井泡之亦未嘗不善今城之葉酒者十
有三四俗名曰開酒房蒸軟糜拌麵揉之入甕問曰
一熟用土絹縫酒帘幾繫入酒林漉之清自無滓價
不昂民無論貧富飲之家釀市沽總以巨杯相勸侑
間用燒酒自遠來本地少作作亦不善下酒不須菜
率以水醃小蔬灌醋切之入碟為尊敬客至宰鷄煮

蛋或烹羊豕各品俱備大抵公宴惟慶祝神祠及晴
雨蟲蝗建醮設齋畢謝而已餘如嫁娶喪葬多宴親
友壽誕止拜祝不開筵席歲內多會戲率不演侑壽
觴親友亦不製屏幛或贈匾為祝有製壽材者誕日
親朋齊集拜看舉杯稱賀名為交點以上宴會俱以
家之厚薄如視距城遠近為等差豐固無過九簋儉
則小盤四五對容怡然在座幾人斟杯為敬此雖過
樸少文而禮惟其意不唯其物土簋簞稗猶為近况
况山不產珍自有茶薺本然之味海不呈錯且吐兼

延長縣志

卷之五 宴會

十

葭新出之英當今之時而欲以救奢去靡返未還初
得此亦如參朮之攻疾矣

祈禳

禱即祀類也古有之而鬼有定分非分而祭且不可况
矯舉以邀福乎延俗佞佛信神宋以前難考金元至明
爭建寺廟每劈石開洞砌基築宇雕飾工巧費不下
千百緡備極崇奉憶當日之民自不窮窘今古廟多
剝落且通邑僧不滿百香火寂然而祈福禳災則依
然舊習也除佛誕神會男女獻供錯雜禮拜不計外

餘或祈雨禳病於土地及境內神祠不必風伯雨師
歧伯藥王為應禱如里中有唐王祠即太宗伍大夫
祠即伍員來歷難以臆斷大都以土神祀之禱或應
即驚傳不應坦如也上元門前設爐焚火十六日出
行名曰遊百病二十三三十日亦然火取光明避毒
螫之義二月初三祝文昌帝君生諸生釀飲寒食禱
穀神四月初八日上翠屏山祖師殿進香祈福二十
八日藥王祝生開會演戲六月六日農家備酒餼祭
空求雨七月舊作孟蘭會今猶祭八腊祈驅蝗有年

延長縣志

卷之五 祈禳

十一

臘八寺建醮為佛會間時市亦建平安清醮無黃冠
盡緇衣人為之邑近邊地高風勁暑少寒多受寒即
生病不慣服藥藥品亦不備病或沉覓巫師俗名馬
腳驅鬼多驗即祈雨亦築壇用巫作法事代神語得
雨時日又有神官亦習媚神驅邪事多信用之凡祈
福禳災或先期許愿後還或隨許即還品物用猪羊
者少率以刀俎烹雞麵饅酒飯為敬噫師巫在三代
已有而沿習既久多成邪術廢之則為過當仍之又
于禁典要以存其教不赦其俗為不失風導之意云

沿習附

事有非通行而昔有之今仍未改者為沿習延風淳樸而過間近惟魯不審是非不察利害一時遷就終或噬臍如女失夫守節為上再醮不禁迺至事籌兩便以夫從婦而似贅非贅者名曰坐堂招夫意以撫子理家日久成就不知後夫心屬兩頭有籍以營私者有假外不歸者有不以年限引婦以逃者余任內已見一二又多螟蛉子毋論本戶外姓他縣別省率鬻負之俗曰搗一子即有子者亦買畜不惜長或背恩

延長縣志

卷之五 沿習

三

逃歸生訟不則本生父母兄弟騷擾糧債累贖其誼如所生服勞侍老者十不過一二嗟呼屬毛離裏義合自天何能強附即本支過撫猶不得已而為之焉可使異姓殊宗鹵莽以承膝下也譬之樹苟不類枝移易枯水若不論派滙亦濁因按歷朝史冊沙陀鉄勒率多養子意此地曾陷於羗所以與招夫陋習同為羗俗所染歟願與我延民前洗之邑紳樊鍾秀曰吾延地近邊陲山川阨塞人多淳樸好義急公有無常相貸貧富不相耀賦役無逋欠之

累吏胥無舞文之奸其風俗猶為近古可慮者市多
酒肆人盡貪杯在庶民非悞生理則啟狂縱在庠友
非荒硯田則失儀度且近尤好賭角技遍於城鄉雖
律例森嚴頗知斂跡而呼盧喝雉終不能免安得當
事者力挽頽風而俾之反歸於勤儉也

按他志俱未以風俗另開一卷而此獨總舉一綱分
列六目所載多方言俚語非故瑣瑣也同軌同文人
情不大相遠如一統及省志卷帙紛繁故止略叙搜
概茲以百里彈丸各為紀述牘不厭詳且隸郡置邑

延長縣志 卷之五

十三

幾數千年文缺猷殘無憑攷核幾等於六合之外存
而不論若復不採摭縷列何以徵俗情之淳澆而審
人事之轉移也歲節無大關係若婚葬以下諸節五
禮備焉三百三千亦備焉樸者濟之以秀質者益之
以文是又可商於後此之同志者